

Innovación e coñecemento
aplicados aos
retos da sociedade



BASES DO PROGRAMA

ÍNDICE

1. INFORMACIÓN XERAL
2. REQUISITOS DE PARTICIPACIÓN
3. PROCESO DE INSCRICIÓN
4. CRITERIOS DE AVALIACIÓN
5. XURADO
6. PREMIOS
7. REQUISITOS PARA O PAGAMENTO
8. FASES
9. TRATAMENTO DE DATOS PERSOAIS
10. DEREITO DE EXCLUSIÓN DE PARTICIPANTES
11. ACEPTACIÓN DAS BASES
12. IMAXE

1. INFORMACIÓN XERAL

O programa Ícarus é unha iniciativa da Área de Valorización, Transferencia e Emprendemento da Universidade de Santiago de Compostela (AVTE) co obxectivo de estimular nos estudantes unha reflexión sobre a aplicación social e económica do coñecemento contido nos seus traballos de teses de Doutoramento e Fin de Grao (TFG) e Máster (TFM).

Ícarus está dirixido a toda a comunidade universitaria dos campus de Santiago de Compostela e Lugo e inclúe todas as áreas de coñecemento que se imparten na Universidade de Santiago de Compostela:

- ⇒ **Artes e Humanidades**
- ⇒ **Ciencias**
- ⇒ **Ciencias da Saúde**
- ⇒ **Ciencias Sociais e Xurídicas**
- ⇒ **Enxeñería e Arquitectura**

O nome deste programa está inspirado no voo de Ícaro, que se atreveu a aplicar o coñecemento e o enxeño para poder chegar máis aló da illa na que estaba confinado.

Con esa evocación, Ícarus quere recoñecer e premiar o enfoque á aplicación social e económica dos traballos resultantes de teses de Doutoramento e de TFG/TFM, estimulando aos estudantes a traspasar o límite da utilidade académica do seu coñecemento para imaxinar e explorar futuras posibilidades.

2. REQUISITOS DE PARTICIPACIÓN

⇒ Realizar a defensa da tese de Doutoramento ou do TFG/TFM na Universidade de Santiago de Compostela

⇒ As teses de Doutoramento e os TFGs/TFMs deben estar redactados en galego, castelán ou inglés, ou calquera outro idioma admitido pola USC para este tipo de traballos académicos.

⇒ A defensa da tese de Doutoramento e dos TFG/TFM/ debe terse realizado nos dous últimos anos académicos (sempre que finalizasen antes do 21/04/2025).

⇒ Soamente serán válidos aqueles traballos que resultasen coa cualificación mínima de Aprobado.

⇒ Non poderán participar aqueles traballos premiados noutras edicións similares a este programa (como Join TFG/TFM, Icarus e outros).

O incumprimento de calquera destas condicións impide a participación neste programa.

3. PROCESO DE INSCRICIÓN

O prazo para realizar a inscrición estará aberto do **24/03/2025 ao 21/04/2025**.

As persoas aspirantes deben achegar os seguintes documentos:

⇒ Copia da teses de Doutoramento ou do TFG/TFM.

⇒ Documento que resuma a posible aplicación da tese de Doutoramento ou do TFG/TFM a un uso social e/ou económico, cun máximo de cinco páxinas, e axustado ao modelo que figura no Anexo destas bases.

⇒ Fotocopia do DNI.

4. CRITERIOS DE AVALIACIÓN

Valoraránse cun máximo de **80 puntos** os seguintes criterios:

- ⇒ Viabilidade técnica, comercial e económico-financeira e factibilidade dos traballos
- ⇒ Grao de innovación

Os 20 puntos restantes procederán da introdución nos traballos dos Obxectivos de Desenvolvemento Sostible (ODS).

5. XURADO

Os traballos serán avaliados polo comité coordinador de **Ícarus 25** que actuará como xurado. Este comité estará composto por representantes da Universidade de Santiago de Compostela e das entidades colaboradoras con esta.

6. PREMIOS

Establécense cinco categorías, por áreas de coñecemento, cada unha delas con premios diferenciados para teses de Doutoramento e TFG/TFM:

⇒ Artes e Humanidades

Teses de Doutoramento: Primeiro premio 1.000€ / Segundo premio 500€

TFG/TFM: Primeiro premio 800€ / Segundo premio 400€

⇒ Ciencias

Teses de Doutoramento: Primeiro premio 1.000€ / Segundo premio 500€

TFG/TFM: Primeiro premio 800€ / Segundo premio 400€

⇒ Ciencias da Saúde

Teses de Doutoramento: Primeiro premio 1.000€ / Segundo premio 500€

TFG/TFM: Primeiro premio 800€ / Segundo premio 400€

⇒ Ciencias Sociais e Xurídicas

Teses de Doutoramento: Primeiro premio 1.000€ / Segundo premio 500€

TFG/TFM: Primeiro premio 800€ / Segundo premio 400€

⇒ Enxeñería e Arquitectura

Teses de Doutoramento: Primeiro premio 1.000€ / Segundo premio 500€

TFG/TFM: Primeiro premio 800€ / Segundo premio 400€

A organización resérvase o dereito de outorgar accésits, así como declarar desertos os premios se os proxectos presentados non cumpren as condicións para merecer o recoñecemento.

7. REQUISITOS PARA O PAGAMENTO

Os pagamentos realizaranse mediante ingreso en conta, previa acreditación por parte das persoas premiadas do cumprimento das bases e a achega da documentación requirida: fotocopia do DNI, datos bancarios, dirección, documento de aceptación do premio, etc.

Os pagos estarán suxeitos aos impostos e retencións legalmente establecidos.

8. FASES

Fase 0: Inscripción

O prazo para realizar a inscrición permanecerá aberto do 24/03/2025 ao 21/04/2025.

Tras a finalización do periodo de inscricións, os técnicos da AVTE comprobarán que todos os documentos cumpren cos requisitos establecidos.

As inscricións poden realizarse a través da seguinte ligazón:

<https://forms.office.com/e/778MnW5g5V?origin=lprLink>

Fase 1: Valoración

O comité de valoración fará públicos os traballos finalistas o día 9/05/2025, mediante comunicación por mail ás persoas finalistas e publicación na páxina web da AVTE.

Fase 2: Presentación dos traballos

AVTE impartirá unha sesión de formación o 19/05/2025 dirixida ás persoas finalistas, enfocada a expoñer as claves necesarias para unha presentación e defensa eficaz dos seus traballos.

A presentación dos traballos finalistas ante o xurado será na primeira quincena de xuño, en datas que se comunicarán previamente.

Fase 3: Entrega de premios

A data da entrega de premios será comunicada oportunamente, a través da web da AVTE e dos seus perfís en linkedin @avte-usc, Instagram @avte_usc e Facebook @Avte USC.

9. TRATAMENTO DE DATOS PERSOAIS

A Universidade de Santiago de Compostela comprométese a manter a confidencialidade dos datos presentados polos participantes. En calquera caso, poderanse difundir características xerais do proxecto e, no seu momento, o nome dos proxectos gañadores, o seu logotipo, a súa actividade, principais logros e o nome das persoas integrantes do equipo promotor.

Pola súa banda, as persoas participantes comprométense a manter a confidencialidade sobre os resultados de investigación da Universidade de Santiago de Compostela postos a súa disposición, sempre e cando non sexan de dominio público.

10. DEREITO DE EXCLUSIÓN DE PARTICIPANTES

A organización posúe o dereito de excluír aqueles participantes cuxa actitude non sexa a adecuada ou que non mostren intención de colaborar coa Universidade de Santiago de Compostela.

11. ACEPTACIÓN DAS BASES

A participación na presente convocatoria implica a aceptación sen excepcións de todas as condicións expostas no presente documento. A interpretación das bases corresponde á organización e as decisións que tome o xurado serán inapelables.

12. IMAXE

As persoas participantes no programa Ícarus 25 autorizan e aceptan a publicación da súa imaxe en medios de comunicación e internet para a promoción do programa, se ben, calquera persoa inscrita poderá prohibir a utilización da súa imaxe, previa solicitude expresa por escrito.

ANEXO:

Aplicación práctica da Tese de Doutoramento ou TFG/TFM

Nome do proxecto:

Área de coñecemento á que pertence o proxecto:

- ☐ Artes e Humanidades
- ☐ Ciencias
- ☐ Ciencias da Saúde
- ☐ Ciencias Sociais e Xurídicas
- ☐ Enxeñería e Arquitectura

Data de finalización:

Cualificación acadada:

Aplicación práctica do teu proxecto (máximo cinco páxinas).

Deberán argumentarse na medida do posible e sen superar a máxima extensión indicada, aspectos como:

- ⇒ Mercado ao que vai dirixido.
- ⇒ Necesidade social a satisfacer.
- ⇒ Descrición da aplicación práctica da túa tese de Doutoramento ou do teu TFG/TFG. Vantaxes en relación ás alternativas actuais.
- ⇒ Podería protexerse o coñecemento xerado no teu traballo?
- ⇒ Cales serían os usuarios ou clientes aos que se dirixe.
- ⇒ Impacto: medido en número de potenciais usuarios beneficiados, tamaño do mercado, ou outros indicadores que permitan avaliar o alcance da proposta.

*Presentar este documento en galego, castelán ou inglés facilitará o proceso de avaliación e evitará erros de tradución.